



Compostela, 23 de setembro de 2011. O [Plano de Residuos de Feijóo](#) amosa novamente a súa verdadeira faciana. Perante a

[incapacidade de SOGAMA](#)

para tratar o lixo que chega ao complexo de Cerceda e a imposibilidade de poñer en marcha a segunda incineradora nesta lexislatura, a solución do PP é sinxela: agrandar o vertedoiro para seguir amoreando lixo. Isto é o que supón a

ampliación do vertedoiro da Areosa

, aprobada onte polo consello da Xunta e na que vanse gastar

10.308.338 €

. É a cara "B" de SOGAMA, un proxecto fracasado que Hernández e Feijóo teiman en defender: desbaldimento de cartos públicos,

[megawattios para os amigos a cambio de incineradoras](#)

e

[sabotaxe dos sistemas alternativos](#)

. Mentres, á marxe desta política irracional e antiecolóxica, a cidadanía aposta cada vez máis pola reciclaxe e compostaxe, dando exemplo de eficiencia e compromiso a unha Xunta cuxa política de residuos fica ancorada na época de "

Cuéntame...

"

No proxecto de ampliación do vertedoiro aprobado, a Xunta admite unha capacidade anual de depósito de 350.000 Tm, isto é, máis dun terzo do lixo que chega a Cerceda. Se atendemos aos datos do [PXRUG](#) que calcula unha perda de masa no proceso do 42%

(fundamentalmente vapor de auga procedente do secado do lixo para o que SOGAMA queima medio millón de megawattios de gas natural ao ano), das 900.000 Tm que chegan anualmente a Cerceda

o 72% irá directamente a vertedoiro!

A Xunta asume deste xeito a súa incapacidade para tratar os residuos dos concellos e, contrariamente ao publicitado na súa nota, fai evidente o **fracaso do modelo SOGAMA** baseado na incineración e sobre todo no vertido (a última opción da xerarquía de tratamento), ao contrario ao establecido nas directivas europeas, na lei estatal e na lei galega de residuos. Ademais,

SOGAMA é unha ruína para os concellos e un engano á cidadanía

: págase polo transporte e o tratamento dos residuos enormes custos que hipotecan as economías municipais e a Xunta remata botando case todo ao vertedoiro. Os cidadáns/ás esforzándose en separar o lixo nos seus fogares e reciclar nos numerosos programas de compostaxe caseira e comunitaria promovidos por ecoloxistas e concellos, e a Xunta remata meténdoo todo xunto e agochando o lixo baixo a alfombra de SOGAMA.

Esta ampliación supón, ademáis dun **escandaloso desbaldimento de cartos públicos**, seguir agrandando o buraco negro de SOGAMA para engulir máis lixo: é unha fuxida cara adiante para continuar mercadeando cos residuos, enriquecendo ás eléctricas e baleirando as arcas dos concellos.